

Ar sorcerez.

me ne moa ket hoas pemzek bloa
ag a woar(1) desket mad
a ouie kana ar prefaç
Kouls ag an ofern bred.

Konsacri an ostiou d'in ma vije permetet

— Liverit tu dime plachik gant piou o c'heus desket
ar secrejo pere ouzoc'h pere a leveret.

— Gant eur sklolaer yaouank er gher en ti va zad
em kasse gantan beb nos da klevet ar sabad.

Kenta ma klevis ar sabad me a voa souezet
ho klevet ar sorcerien ag ar sorcerezet
ho c'helvel dre o louzou evit Goali an ed.

Kenta ma aprouvis ma louçou
da welet ag hi woa mad

e woa var eur goarimad segal
er ger en ti va zad.

nag a woa ed de adda na trivarc'h boezeled
ha ne voa ked bed a nezan trivac'h skudellad mad.

me meus eur c'houffrik bahut er gher en ti ma zad
Piou benag en digoro en devo kalonnad.

a zo enan teïr aër viber o viri eur serpent
ag e devoro ar vro man tout en antieramant

Mar deus va teïr aër viber da ober eur blaves mad
e rankin bea kunduet gant boued dilikat.

nen deo ket gant kig klujar na gant kig kevelek
gant goad ar vugale munut, kig an innoçantet,

Kassit va c'houffrik bahut en eur fark a tri korn
Lakit an tan den dewi a pelaït diontan.

Me ia breman dar maro pa em boa miritet
Balamour dam sorcerejou pere am moa desket.

Anaïc Cozic, mendiante de Taulé, 9bre 1850.

(1) D'abord voa : le 1er jambage du -w- (de woar) a été ajouté ainsi que l'r final.